

page :

K033

條目：

六觸處

內容：

『眼觸見色，……意觸知法。』中四十二·1 中四十二·2（與六處並列）

出處：

※參見《中阿含經》卷 42〈根本分別品 2〉（一六二）《分別六界經》(CBETA, T01, no. 26, p. 690, b29-c9)：

【按：亦參 M. 140. Dhātuvibhaṅga sutta.】

「比丘！人有六觸處，此說何因？謂比丘眼觸見色，耳觸聞聲，鼻觸嗅香，舌觸嘗味，身觸覺觸，意觸知法。比丘！人有六觸處者，因此故說。比丘！人有十八意行，此說何因？謂比丘眼見色，觀色喜住，觀色憂住，觀色捨住，如是耳、鼻、舌、身，意知法，觀法喜住，觀法憂住，觀法捨住。比丘！此六喜觀、六憂觀、六捨觀，合已十八行。比丘！人有十八意行者，因此故說。」

※參見《中阿含經》卷 42〈根本分別品 2〉（一六三）《分別六處經》(CBETA, T01, no. 26, p. 692, c5-10)：

【按：亦參 M. 137. Saḷāyatana vibhaṅga sutta.】

「六處當知內者，此何因說？謂眼處，耳、鼻、舌、身、意處，六處當知內者，因此故說。

「六更樂處當知內者，此何因說？謂眼更樂為見色，耳更樂為聞聲，鼻更樂為嗅香，舌更樂為嘗味，身更樂為覺觸，意更樂為知法，六更樂處當知內者，因此故說。」

條目：

十八意行

內容：

『眼見色已，分別色喜住，分別色憂住，分別色捨住。……總說十八意行。』中四十二·2 中四十二·1

出處：

※參見《中阿含經》卷 42〈根本分別品 2〉(一六二)《分別六界經》(CBETA, T01, no. 26, p. 690, b29-c9)：

【按：亦參 M. 140. Dhātuvibhaṅga sutta.】

「比丘！人有六觸處，此說何因？謂比丘眼觸見色，耳觸聞聲，鼻觸嗅香，舌觸嘗味，身觸覺觸，意觸知法。比丘！人有六觸處者，因此故說。比丘！人有十八意行，此說何因？謂比丘眼見色，觀色喜住，觀色憂住，觀色捨住，如是耳、鼻、舌、身，意知法，觀法喜住，觀法憂住，觀法捨住。比丘！此六喜觀、六憂觀、六捨觀，合已十八行。比丘！人有十八意行者，因此故說。」

※參見《中阿含經》卷 42〈根本分別品 2〉(一六三)《分別六處經》(CBETA, T01, no. 26, p. 692, c10-16)：

【按：亦參 M. 137. Saḷāyatana vibhaṅga sutta.】

「十八意行當知內者，此何因說？比丘者，眼見色已，分別色喜住，分別色憂住，分別色捨住，如是耳、鼻、舌、身，意知法已，分別法喜住，分別法憂住，分別法捨住，是謂分別六喜、分別六憂、分別六捨，總說十八意行，十八意行當知內者，因此故說。」

條目：

三十六刀

內容：

六喜依著，六喜依無欲，『眼見色已生喜，當知二種：眼知色可喜、意念、受色、欲相應樂，未得者欲得，已得者憶已生喜，是謂喜依著。知色無常、變易，盡、無欲、滅、息，前及今一切色無常、苦、滅法，憶已生喜，是謂喜依無欲。(餘五例)』

出處：

※參見《中阿含經》卷 42〈根本分別品 2〉(一六三)《分別六處經》(CBETA, T01, no. 26, p. 692, c16-p. 693, a7)：

【按：亦參 M. 137. Saḷāyatana vibhaṅga sutta.】

「三十六刀當知內者，此何因說？有六喜依著，有六喜依無欲，有六憂依著，有六憂依無欲，有六捨依著，有六捨依無欲。」

「云何六喜依著？云何六喜依無欲？眼見色已生喜，當知二種，或依著，或依無欲。云何喜依著？眼知色可喜、意念、愛色、欲相應樂，未得者欲得，已得者憶已生喜，如是喜，是謂喜依著。云何喜依無欲？知色無常、變易，盡、無欲、滅、息，前及今一切色無常、苦、滅法，憶已生喜，如是喜，是謂喜依無欲。如是耳、鼻、舌、身，意知法已生喜，當知二種，或依著，或依無欲。云何喜依著？意知法可喜、意念、愛法、欲相應樂，未得者欲得，已得者憶已生喜，如是喜，是謂喜依著。云何喜依無欲？知法無常、變易，盡、無欲、滅、息，前及今一切法無常、苦、滅法，憶已生喜，如是喜，是謂喜依無欲。」

條目：

從愛展開

內容：

憂，『眼見色已生憂，當知二種：眼知色可喜、意念、愛色、欲相應樂，未得者不得，已得者過去、散壞、滅、變易、生憂，是謂憂依著。知色……憶已作是念：我何時彼處成就遊，謂：處聖人成就遊。是謂上具觸願恐怖，知苦憂生憂。是謂憂依無欲。……』

捨，『眼見色已生捨，當知二種，眼知色生捨，彼平等、……愚、癡、凡夫，為色有捨，不離色，是謂捨依著。知色無常，……憶已捨住。若有至意修習捨，是謂捨依無欲。』＝總說三十六刀。 中四十二:2

出處：

※參見《中阿含經》卷 42〈根本分別品 2〉（一六三）《分別六處經》(CBETA, T01, no. 26, p. 692, c16-p. 693, b11)：

【按：亦參 M. 137. Saḷāyatana vibhaṅga sutta.】

「三十六刀當知內者，此何因說？有六喜依著，有六喜依無欲，有六憂依著，有六憂依無欲，有六捨依著，有六捨依無欲。」

「云何六喜依著？云何六喜依無欲？眼見色已生喜，當知二種，或依著，或依無欲。云何喜依著？眼知色可喜、意念、愛色、欲相應樂，未得者欲得，已得者憶已生喜，如是喜，是謂喜依著。云何喜依無欲？知色無常、變易，盡、無欲、滅、息，前及今一切色無常、苦、滅法，憶已生喜，如是喜，是謂喜依無欲。如是耳、鼻、舌、身，意知法已生喜，當知二種，或依著，或依無欲。云何喜依著？意知法可喜、意念、愛法、欲相應樂，未得者欲得，已得者憶已生喜，如是喜，是謂喜依著。云何喜依無欲？知法無常、變易，盡、無欲、滅、息，前及今一切法無常、苦、滅法，憶已生喜，如是喜，是謂喜依無欲。」

「云何六憂依著？云何六憂依無欲？眼見色已生憂，當知二種，或依著，或依無欲。云何憂依著？眼知色可喜、意念、愛色、欲相應樂，未得者不得，已得者過去、散壞、滅、變易、生憂，如是憂，是謂憂依著。云何憂依無欲？知色無常、變易，盡、無欲、滅、息，前及今一切色無常、苦、滅法，憶已作是念：『我何時彼處成就遊，謂：處諸聖人成就遊。』是為上具觸願恐怖，知苦憂生憂。如是憂，是謂憂依無欲。如是耳、鼻、舌、身，意知法已生憂，當知二種，或依著，或依無欲。云何憂依著？意知法可喜、意念、愛法、欲相應樂，未得者不得，已得者過去、散壞、滅、變易、生憂，如是憂，是謂憂依著。云何憂依無欲？知法無常、變易，盡、無欲、滅、息，前及今一切法無常、苦、滅法，憶已作是念：『我何時彼處成就遊？謂：處諸聖人成就遊。』是為上具觸願恐怖，知苦憂生憂。如是憂，是謂憂依無欲。」

「云何六捨依著？云何六捨依無欲？眼見色已生捨，當知二種，或依著，或依無欲。云何捨依著？眼知色生捨，彼平等、不多聞、無智慧、愚、癡、凡夫，為色有捨，不離色，是謂捨依著。云何捨依無欲？知色無常、變易，盡、無欲、滅、息，前及今一切色無常、苦、滅法，憶已捨住。若有至意修習捨，是謂捨依無欲，如是耳、鼻、舌、身，意知法已生捨，當知二種，或依著，或依無欲。云何捨依著？意知法生捨，平等、不多聞、無智慧、愚、癡、凡夫，為法有捨，不離法，是謂捨依著。云何捨依無欲？意知法無常、變易，盡、無欲、滅、息，前及今一切法無常、苦、滅法，憶已捨住。若有至意修習捨，是謂捨依無欲。是為六喜依著、六喜依無欲、六憂依著、六憂依無欲、六捨依著、六捨依無欲，總說三十六刀，當知內者，因此故說。」

條目：

漸斷

內容：

一、『依無欲，取是、依是、住是也；依著，滅彼、除彼、吐彼，如是斷彼。』

二、憂依無欲，取；喜依無欲，滅。如是斷彼。

三、捨依無欲，取；憂依無欲，滅。如是斷彼。

四、四無色捨，有一觸而非無量觸，取；五塵捨有無量觸亦非一種滅，如是斷彼。』中四十二·2

出處：

※參見《中阿含經》卷 42〈根本分別品 2〉（一六三）《分別六處經》（CBETA, T01, no. 26, p. 693, b12-22）：

【按：亦參 M. 137. Saḷāyatana vibhaṅga sutta.】

「於中斷彼成就是者，此何因說？謂此六喜依無欲，取是、依是、住是也。謂此六喜依著，滅彼、除彼、吐彼，如是斷彼也。謂此六憂依無欲，取是、依是、住是也。謂此六憂依著，滅彼、除彼、吐彼，如是斷彼也。謂此六捨依無欲，取是、依是、住是也。謂此六捨依著，滅彼、除彼、吐彼，如是斷彼也。謂此六憂依無欲，取是、依是、住是也。謂此六喜依無欲，滅彼、除彼、吐彼，如是斷彼也。謂此六捨依無欲，取是、依是、住是也。謂此六憂依無欲，滅彼、除彼、吐彼，如是斷彼也。」

條目：

佛說法無量

內容：

中四十二:2

出處：

※參見《中阿含經》卷 42〈根本分別品 2〉(一六三)《分別六處經》(CBETA, T01, no. 26, p. 693, c7-23)：

【按：亦參 M. 137. Saḷāyatana vibhaṅga sutta.】

「無量說法當知內者，此何因說？如來有四弟子，有增上行、有增上意、有增上念、有增上慧，有辯才成就第一辯才，壽活百歲，如來為彼說法滿百年，除飲食時、大小便時、睡眠息時及聚會時，彼如來所說法，文句法句觀義，以慧而速觀義，不復更問於如來法。所以者何？如來說法無有極不可盡法，文句法句觀義，乃至四弟子命終，猶如四種善射之人，挽彊俱發，善學善知，而有方便，速徹過去。如是，世尊有四弟子，有增上行、有增上意、有增上念、有增上慧，有辯才成就第一辯才，壽活百歲，如來為彼說法滿百年，除飲食時、大小便時、睡眠息時及聚會時。彼如來所說法，文句法句觀義，以慧而速觀義，不復更問於如來法。所以者何？如來無極不可盡，無量說法當知內者，因此故說。」

條目：

三意止

內容：

『弟子而不恭敬，亦不順行，不立於智，其心不趣向法、次法，不受正法，違世尊教，不能得定者；……彼弟子恭敬順行而立於智，其心歸趣向法、次法，受持正法，

不違世尊教，能得正定；……（或二人來）……但世尊捨無所為，常念常智。』中四十二·2

出處：

※參見《中阿含經》卷 42〈根本分別品 2〉（一六三）《分別六處經》(CBETA, T01, no. 26, p. 693, c23-p. 694, a21)：

【按：亦參 M. 137. Saḷāyatana vibhaṅga sutta.】

「三意止，謂聖人所習，聖人所習已，眾可教者。此何因說？若如來為弟子說法，憐念愍傷，求義及饒益，求安隱快樂，發慈悲心，是為饒益，是為快樂，是為饒益樂。若彼弟子而不恭敬，亦不順行，不立於智，其心不趣向法、次法，不受正法，**違世尊教，不能得定者**，世尊不以此為憂感也。但世尊捨無所為，常念常智，是謂第一意止，謂聖人所習，聖人所習已，眾可教也。

「復次，如來為弟子說法，憐念愍傷，求義及饒益，求安隱快樂，發慈悲心，是為饒益，是為快樂，是為饒益樂。若**彼弟子恭敬順行而立於智，其心歸趣向法、次法，受持正法，不違世尊教，能得定者**，世尊不以此為歡喜也。但世尊捨無所為，常念常智，是謂第二意止，謂聖人所習，聖人所習已，眾可教也。

「復次，如來為弟子說法，憐念愍傷，求義及饒益，求安隱快樂，發慈悲心，是為饒益，是為快樂，是為饒益樂。或有弟子而不恭敬，亦不順行，不立於智，其心不趣向法、次法，不受正法，**違世尊教，不能得定者**。或有弟子恭敬順行而立於智，其心歸趣向法、次法，受持正法，**不違世尊教，能得定者**。世尊不以此為憂感，亦不歡喜，**但世尊捨無所為，常念常智**，是謂第三意止。謂聖人所習，聖人所習已，眾可教也，三意止，謂聖人所習。聖人所習已，眾可教者，因此故說。」

條目：

出苦之觀

內容：

一、『**心不出外灑散**：眼見色，識不食色相，識不著色識相，識不縛色樂相，彼色相味不結縛，心不出外散灑。』不著六塵相

二、『**心住內**：離欲，離惡不善之法，有覺有觀，離生喜樂，得初禪成就遊。彼識不著離味，不依彼，不住彼，不緣彼，不縛彼；識內也。……不著定味，……不著無喜味，……不著捨及念、清淨味，……不著空智味，……不著識智味，……不著無所有智味，……不著無想智味，……』不著八定味

三、『不受不恐怖：離色染，離色欲，離色愛，離色渴；……彼不欲得色，不求色、不著色、不住色，色非是我，色非我有；……識不捫摸色；……變易彼色時，識不轉於色；……不生恐怖法，心不住中，因心知故，便不怖懼，不煩勞。』不住四識住（反之可知）中四十二³

出處：

※參見《中阿含經》卷 42〈根本分別品 2〉（一六四）《分別觀法經》(CBETA, T01, no. 26, p. 695, a9-22)：

【按：亦參 M. 138. Uddesa-vibhaṅga sutta.】

尊者大迦旃延告諸比丘：「諸賢等！共聽我所說。諸賢！云何比丘心出外灑散？諸賢！比丘眼見色，識食色相，識著色樂相，識縛色樂相，彼色相味結縛心出外灑散；如是耳、鼻、舌、身，意知法，識食法相，識著法樂相，識縛法樂相，彼法相味結縛心出外灑散。諸賢！如是比丘心出外灑散。諸賢！云何比丘心不出外灑散？諸賢！比丘眼見色，識不食色相，識不著色樂相，識不縛色樂相，彼色相味不結縛心，不出外灑散；如是耳、鼻、舌、身，意知法，識不食法相，識不著法樂相，識不縛法樂相，彼法相味不結縛心，不出外灑散。諸賢！如是比丘心不出外灑散。」

※參見《中阿含經》卷 42〈根本分別品 2〉（一六四）《分別觀法經》(CBETA, T01, no. 26, p. 695, b19-c18)：

【按：亦參 M. 138. Uddesa-vibhaṅga sutta.】

「諸賢！云何比丘心住內？諸賢！比丘離欲，離惡不善之法，有覺有觀，離生喜樂，得初禪成就遊。彼識不著離味，不依彼不住彼，不緣彼不縛彼，識住內也。復次，諸賢！比丘覺、觀已息，內靜、一心，無覺、無觀，定生喜、樂，得第二禪成就遊。彼識不著定味，不依彼不住彼，不緣彼不縛彼，識住內也。復次，諸賢！比丘離於喜欲，捨無求遊，正念正智而身覺樂，調聖所說，聖所捨、念、樂住、空，得第三禪成就遊。彼識不著無喜味，不依彼不住彼，不緣彼不縛彼，識住內也。復次，諸賢！比丘樂滅、苦滅，喜、憂本已滅，不苦不樂、捨、念、清淨，得第四禪成就遊。識不著捨及念、清淨味，不依彼不住彼，不緣彼不縛彼，識住內也。」

「復次，諸賢！比丘度一切色想，滅有對想，不念若干想，無量空，是無量空處成就遊。彼識不著空智味，不依彼不住彼，不緣彼不縛彼，識住內也。復次，諸賢！比丘度一切無量空處，無量識，是無量識處成就遊，彼識不著識智味，不依彼不住彼，不緣彼不縛彼，識住內也。復次，諸賢！比丘度一切無量識處，無所有，是無所有處成就遊。彼識不著無所有智味，不依彼不住彼，不緣彼不縛彼，識住內也。復次，諸賢！比丘度一切無所有處，非有想非無想，是非有想非無想處成就遊，彼識不著無想智味，不依彼不住彼，不緣彼不縛彼，識住內也。諸賢！如是比丘心住內也。」

※參見《中阿含經》卷 42〈根本分別品 2〉(一六四)《分別觀法經》(CBETA, T01, no. 26, p. 696, a7-27)：

【按：亦參 M. 138. Uddesa-vibhaṅga sutta.】

「諸賢！云何比丘不受不恐怖。諸賢！比丘離色染，離色欲，離色愛，離色渴。諸賢！若有比丘離色染、離色欲、離色愛、離色渴者，彼不欲得色，不求色、不著色、不住色，色非是我，色非我有。彼不欲得色，不求色，不著色，不住色，色非是我，色非我有已，識不捫摸色，識不捫摸色已，變易彼色時，識不轉於色，識不轉於色已。彼不生恐怖法，心不住中，因心知故，便不怖懼，不煩勞，不受，不恐怖；如是覺、想、行。比丘離識染，離識欲，離識愛，離識渴。諸賢！若有比丘離識染，離識欲，離識愛，離識渴者，彼不欲得識，不求識，不著識，不住識，識非是我，識非我有，彼不欲得識，不求識，不著識，不住識，識非是我，識非我有已，識不捫摸識，識不捫摸識已，變易彼識時，識不轉於識，識不轉於識已，彼不生恐怖法，心不住中，因心知故，便不怖懼，不煩勞，不受，不恐怖。諸賢！如是比丘不受不恐怖。」

條目：

跋地羅帝偈

內容：

中四十三·1. 2. 3.

出處：

※參見《中阿含經》卷 43〈根本分別品 2〉(一六五)《溫泉林天經》(CBETA, T01, no. 26, p. 697, a12-25)：

【按：亦參 M. 133. Kaccāna-bhaddakaratta sutta.】

於是，尊者三彌提白曰：「世尊！今正是時。善逝！今正是時。若世尊為諸比丘說跋地羅帝偈者，諸比丘從世尊聞已，當善受持。」

世尊告曰：「三彌提！諦聽，諦聽，善思念之，我當為汝說。」

尊者三彌提白曰：「唯然。」時，諸比丘受教而聽。

佛言：

「慎莫念過去， 亦勿願未來， 過去事已滅， 未來復未至。

現在所有法， 彼亦當為思， 念無有堅強， 慧者覺如是。」

若作聖人行， 孰知愁於死， 我要不會彼， 大苦災患終。
如是行精勤， 晝夜無懈怠， 是故常當說， 跋地羅帝偈。」

※參見《中阿含經》卷 43〈根本分別品 2〉(一六六)《釋中禪室尊經》(CBETA, T01, no. 26, p. 698, c9-p. 699, a1)：

【按：亦參 M. 134. Lomasakaṅgiya bhaddekaratta sutta.】

爾時，有一天形體極妙，色像巍巍，夜將向旦，往詣尊者盧夷強耆所，稽首作禮，却住一面。彼天色像威神極妙，光明普照於其禪室。彼天却住於一面已，白尊者盧夷強耆曰：「比丘！受持跋地羅帝偈及其義耶？」

尊者盧夷強耆答彼天曰：「我不受持跋地羅帝偈，亦不受義。」

尋問彼天：「汝受持跋地羅帝偈及其義耶？」

彼天答曰：「我受持跋地羅帝偈，然不受義。」

尊者盧夷強耆復問彼天：「云何受持跋地羅帝偈而不受義耶？」

彼天答曰：「一時，世尊遊王舍城，住竹林迦蘭哆園。爾時，世尊為諸比丘說跋地羅帝偈：

「『慎莫念過去， 亦勿願未來， 過去事已滅， 未來復未至。
現在所有法， 彼亦當為思， 念無有堅強， 慧者覺如是。
若學聖人行， 孰知愁於死， 我要不會彼， 大苦災患終。
如是行精勤， 晝夜無懈怠， 是故常當說， 跋地羅帝偈。』
「比丘！我如是受持跋地羅帝偈，不受持義。」

※參見《中阿含經》卷 43〈根本分別品 2〉(一六七)《阿難說經》(CBETA, T01, no. 26, p. 700, a9-22)：

【按：亦參 M. 132. Ananda bhaddekaratta sutta.】

尊者阿難即往佛所，稽首作禮，却住一面，世尊問曰：「阿難！汝實為諸比丘夜集講堂，說跋地羅帝偈及其義耶？」

尊者阿難答曰：「唯然。」

世尊問曰：「阿難！汝云何為諸比丘說跋地羅帝偈及其義耶？」

尊者阿難即便說曰：

「慎莫念過去， 亦勿願未來， 過去事已滅， 未來復未至。
現在所有法， 彼亦當為思， 念無有堅強， 慧者覺如是。
為作聖人行， 孰知愁於死， 我要不會彼， 大苦災患終。
如是行精進， 晝夜無懈怠， 是故常當說， 跋地羅帝偈。」

條目：

不取三世

內容：

1.一、**不念過去**：『實有眼，知色，可喜、意所念，愛欲相應，心樂，捫摸本末，即過去也。彼為過去，識不欲染著；因識不欲染著已，則便不樂彼；不樂彼已，便不念過去。』

二、**不願未來**：『若有眼、色、眼識未來者，未得不欲得，已得心不願；因心不願已，則便不樂彼；不樂彼已，便不願未來。』

三、**不受現在**：『若有眼、色、眼識現在者，彼於現在識不欲染著；……則便不樂彼；……便不受現在法。』中四十三·1（約六根辨）

2.『不樂過去（未來現在）色，（覺想行識）不樂、不欲、不著、不住，……比丘不念過去。』中四十三·2. 3.（約五蘊辨）

出處：

※參見《中阿含經》卷 43〈根本分別品 2〉（一六五）《溫泉林天經》(CBETA, T01, no. 26, p. 697, c27-p. 698, a8)：

【按：亦參 M. 133. Kaccāna-bhaddakaratta sutta.】

「諸賢！云何比丘不念過去？諸賢！比丘實有眼知色可喜、意所念，愛色，欲相應，心樂，捫摸本，本即過去也。彼為過去識不欲染著，因識不欲染著已，則便不樂彼，因不樂彼已，便不念過去。如是耳、鼻、舌、身，實有意知法可喜、意所念，愛法，欲相應，心樂，捫摸本，本即過去也。彼為過去識不欲染著，因識不欲染著已，則便不樂彼，因不樂彼已，便不念過去。諸賢！如是比丘不念過去也。」

※參見《中阿含經》卷 43〈根本分別品 2〉(一六五)《溫泉林天經》(CBETA, T01, no. 26, p. 698, a14-20)：

【按：亦參 M. 133. Kaccāna-bhaddakaratta sutta.】

「諸賢！云何比丘不願未來？諸賢！比丘若有眼、色、眼識未來者，未得不欲得，已得心不願，因心不願已，則便不樂彼，因不樂彼已，便不願未來；如是耳、鼻、舌、身。若有意、法、意識未來者，未得不欲得，已得心不願，因心不願已，則便不樂彼，因不樂彼已，便不願未來。諸賢！如是比丘不願未來也。」

※參見《中阿含經》卷 43〈根本分別品 2〉(一六五)《溫泉林天經》(CBETA, T01, no. 26, p. 698, a27-b5)：

【按：亦參 M. 133. Kaccāna-bhaddakaratta sutta.】

「諸賢！云何比丘不受現在法。諸賢！比丘若有眼、色、眼識現在者，彼於現在識不欲染著，因識不欲染著已，則便不樂彼，因不樂彼已，便不受現在法；如是耳、鼻、舌、身。若有意、法、意識現在者，彼於現在識不欲染著，因識不欲染著已，則便不樂彼，因不樂彼已，便不受現在法。諸賢！如是比丘不受現在法。」

※參見《中阿含經》卷 43〈根本分別品 2〉(一六六)《釋中禪室尊經》CBETA, T01, no. 26, p. 699, c11-13)：

【按：亦參 M. 134. Lomasakaṅgiya bhaddekaratta sutta.】

「不樂過去色，不欲、不著、不住，不樂過去覺、想、行、識，不欲、不著、不住，如是比丘不念過去。」

《中阿含經》卷 43〈根本分別品 2〉(一六七)《阿難說經》(CBETA, T01, no. 26, p. 700, a23-b16)：

【按：亦參 M. 132. Ananda bhaddekaratta sutta.】

世尊即復問曰：「阿難！云何比丘念過去耶？」

尊者阿難答曰：「世尊！若有比丘樂過去色，欲、著、住，樂過去覺、想、行、識，欲、著、住，如是比丘念過去也。」

世尊即復問曰：「阿難！云何比丘不念過去？」

尊者阿難答曰：「世尊！若比丘不樂過去色，不欲、不著、不住，不樂過去覺、想、行、識，不欲、不著、不住，如是比丘不念過去。」

世尊即復問曰：「阿難！云何比丘願未來耶？」

尊者阿難答曰：「世尊！若比丘樂未來色，欲、著、住，樂未來覺、想、行、識，欲、著、住，如是比丘願未來也。」

世尊即復問曰：「阿難！云何比丘不願未來？」

尊者阿難答曰：「世尊！若比丘不樂未來色，不欲、不著、不住，不樂未來覺、想、行、識，不欲、不著、不住，如是比丘不願未來。」

世尊即復問曰：「阿難！云何比丘受現在法？」

尊者阿難答曰：「世尊！若比丘樂現在色，欲、著、住，樂現在覺、想、行、識，欲、著、住，如是比丘受現在法。」

世尊即復問曰：「阿難！云何比丘不受現在法？」

尊者阿難答曰：「世尊！若比丘不樂現在色，不欲、不著、不住，不樂現在覺、想、行、識，不欲、不著、不住，如是比丘不受現在法。世尊！我以如是為諸比丘夜集講堂，說跋地羅帝偈及其義也。」